

Унутманг, сиз Ваҳҳоб зотдан сўраяпсиз



09:01 / 26.04.2022 4575

«Албатта Аллоҳ бандаси унга икки қўлини кўтариб дуо қилганда, уларни қуруқ қайтаришдан ҳаё қилади. шундай экан нега биз дуода сўрайдиган нарсаларимизнинг миқдорини ҳам кўтармаслигимиз керак.

Пайғамбарларнинг дуода сўраган нарсалари нақадар юксак даражада бўлганини ўйлаб кўринг, улар Аллоҳдан банданинг наздида амри маҳол бўлган нарсаларни ҳам сўрар эдилар. Унинг қандай амалга ошишига парво қилмас эдилар. Нега дейсизми? Чунки улар Аллоҳ таолонинг Ваҳҳоб исмининг маъносини жуда яхши англаб эдилар. Аллоҳнинг Набийси Сулаймон алайҳиссаломнинг дуоларига эътибор беринг!

بِأَعْوَابِهَا تَأْتِي السَّمَاءَ بِدُحَانٍ أَسْفُودٍ يُسَبِّحُ بِحَمْدِ رَبِّهَا وَبِأَعْوَابِهَا يُصْرَعُونَ

«У: «Роббим, мени мағфират қилгин ва менга ўзимдан кейин бирор кишига муяссар бўлмайдиган подшоҳликни ҳадя этгин. Албатта, сен кўплаб ҳиба-

ҳадя берувчисан», – деди (Сод сураси, 35-оят)».

Бу дуодан сўнг натижа нима бўлди? Аллоҳ таоло Сулаймон алайҳиссаломга Пайғамбарлик, подшоҳлик, илм, ҳикмат ато этди, шамоллар, жинлар, қушлар, инсонлар, отлар ва ваҳший ҳайвонларни У зотга бўйсундириб қўйди.

Дуода тавозеъли бўлиш зуҳддан эмас. Аллоҳдан дунё сўраётганингизда ҳам, ҳимматни баланд қилиб сўранглар. Аллоҳдан охират неъматини сўраётганингизда ҳам ҳимматни баланд қилинг, У зотдан энг олий Фирдавсни сўранг, иккиланманг! Ўзингизни Фирдавс жаннатига муносиб эмасман деб ўйласангиз ҳам сўрайверинг. Ахир сизлар Ваҳҳоб зотдан сўраяпсизлар. Бу шундай ибодатки, кўпчилик уни унутган. Лекин Аллоҳ таоло Ўзига зорланиб, ҳамма нарсани Ўзидан сўрашимизни яхши кўради. Бу шундай ибодатки, унинг номи қўрқувларга тўла олам ичра турганингизда ҳам, келажакдан ҳавотирда бўлсангиз ҳам Аллоҳ таоло ҳақида яхши гумонда бўлишдир. Аллоҳ таоло ҳақида қанчалик яхши гумонда бўлсак, бизга шу қадар кўп яхшилик келиб, ёмонлик биздан шунчалар узоқлашади. Аллоҳ ҳақида яхши гумонда бўлинглар, Аллоҳ сизларга раҳм қилсин ва дуоларингизни ижобат қилсин»!

Доктор, даъватчи Абдурахмон Ашмовий.

Нозимжон Ҳошимжон таржимаси.